

Akureyrarbær
B/t Skipulagssviðs
Geislagötu 9
600 Akureyri

Akureyri 09.09.2019

Efni: Skólavæðið við Höfðahlíð – deiliskipulagstillaga.

Í geinargerð deiliskipulags, grein 2.3.1 sorpgeymslur og gámar, kemur fram að ekki eru gerðir sérstakir byggingarreitir fyrir hjóla og vagnageymslur.

Samkvæmt grein 2.3.1 í byggingarreglugerð nr. 112/2012 þarf að sækja um leyfi fyrir byggingu mannvirkja. Undanþegin eru smáhýsi sem eru að hámarki 10 m². Líklegt er að hjóla og vagnageymslur verði stærri en smáhýsi.

Samkvæmt upplýsingum á vef Akureyrarbæjar þurfa byggingar að vera innan byggingarreits. Sjá <https://www.akureyri.is/is/thjonusta/skipulag-og-byggingar/algengar-spurningar-um-skipulagsmal>.

Í þingsályktun nr. 18/146 sem samþykkt var á Alþingi Íslands 31.maí 2017 kemur fram að eitt að markmiðunum er að hlutfall endurnýjanlegrar orku í samgöngum verði 40% árið 2030. Eitt af því sem getur orðið til þess að þetta markmið náist er veruleg aukning í notkun reiðhjóla, bæði venjulegra og rafmagnsreiðhjóla. Notendur sem snerta þessa deiliskipulagstillögu geta verið kennarar, nemendur, foreldrar og gestir sundlaugar og íþróttahúss. Foreldrar leikskólabarna gætu t.d. komið hjólandi með barnið í vagni. Gott væri að geta geymt einhverja vagna við skóla meðan á barnið er í skólanum. Með því að gera ráð fyrir þessu í byrjun er líklegt að það stuðli að því að markmið náist.

Vegna þessa fer ég fram á eftirfarandi:

1. Gerð verði grein fyrir því hvaða áhrif breytingar í samgöngum geti haft á notkun bílastæða og þörf fyrir hjóla og vagnageymslur.
2. Byggingarreitir fyrir hjóla og vagnageymslur verði settir inn á deiliskipulagstillöguna.

Með bestu kveðju.
Unnsteinn Jónsson
Steinahlíð 6c
Akureyri